

再重訂傷寒集註卷之八

進脣舒話馳遠著

太陰經証治大意

喻嘉言曰仲景傷寒論六經中惟太陰經文止九條方止二道後人惜其非全書昌細繹其所以約畧之意言中風卽不言傷寒言桂枝卽不言麻黃言當溫者則曰宜四逆輩全是引申觸類之妙治法當清其風寒之原以定發表之法更于腹之或滿或痛間辨其虛實以定當下當溫了無餘義矣自非深入闢奧者孰能會其爲全書哉胡章及曰太陰篇之法獨畧非畧也散見于六經耳六經之証未有能外太陰者以脾爲一身之主也脾氣強健何病不



北京中醫藥大學圖書館

愈否則諸法皆不驗矣



南京中醫藥大學圖書館藏

太陰篇

計九法

一太陰之為病腹滿而吐食不下且利益甚時腹自痛若下之必胸下結鞕原文

喻嘉言曰腹滿自利太陰之本証也吐而食不下則邪迫于上利甚而腹痛則邪迫于下上下交亂胃中空虛此但可溫補而不可下也

二太陰中風四肢煩疼

陽微陰濇而長者為欲愈原文

詔按此証不可言風常見人誤用消風活血之藥釀成痿廢者恆多但當斟酌于溫飲着脾諸法之中則得之矣

三

太陰病脈浮者可發汗宜桂枝湯原文

詔曰此言太陰病是必腹滿而吐腹痛自利矣証屬裏陰脈



雖浮亦不可發汗
桂枝兩經合治此一証只據脈浮即用桂

後人有錯
令外兼太陽表証當以理中為主內加
定之法也今但言太陰病未見太陽外
枝專治太陽不顧太陰大不合法恐亦

四

自利不渴者屬太陰

以其臟有寒故也當溫之宜服四逆輩

文泉

喻嘉言曰以自利不
經辨証所關甚鉅太
餘故不渴而多發苗
不足故口渴而多煩

燥
渴者屬太陰以自利而渴者屬少陰分
陰屬濕土熱邪入而蒸動其濕則顯有
少陰屬腎水熱邪入而消耗其水則顯
非確義若但以熱邪為言則太陰少陰



清華大學圖書館

之自利俱當清熱不必溫經干法不合口渴一証有爲實者亦有虛寒若爲熱邪傷津而作渴者必小便短大便硬硬者自利而渴者乃爲火衰作渴証屬少陰者以寒中少陰腎陽受困火氣不能薰騰津液故口渴法主附子助陽溫經正所謂釜底加薪津液上騰而渴自止若寒在太陰十腎陽無干故不作渴

田傷寒脈浮而緩手足自溫者繫在太陰太陰當發身黃若小便自利者不能發黃至七八日雖暴煩下利日十餘行必自止以脾家實穢腐當去故也原文

喻嘉言曰前陽明篇中不能發黃已上語句皆同但彼以胃實而便硬其証轉屬陽明者此以脾實而下穢腐其証正屬

太陰耳

大木太陽

病醫反下之因爾腹滿時痛者屬太陰也桂枝加芍

藥湯主之

原文

按此條因悞下而虧損脾中之陽不能健運升降失職壅而

為滿壅滿過甚而為之痛桂枝不可用也法當用人參白朮

附子乾姜益氣補中驅陰散寒則脾氣復理而病自愈也

桂枝加芍藥湯

于桂枝湯內加芍藥二兩連前共成六兩餘依桂枝法

按方中加芍藥不通病本陰氣壅滿而芍藥酸寒凝滯生陰

之物豈可用乎

三

實痛者桂枝加大黃湯主之原文

按大實痛者法主大承氣湯非有太陽表証不得主用桂枝
此中疑有缺文

桂枝加大黃湯

于桂枝加芍藥方內加大黃一兩餘依桂枝湯法

六太陰為病脈弱其人續自便利設當行大黃芍藥者宜減之

以其人胃氣弱易動故也原文

門人張葢仙曰脈弱便利何以又有當行大黃之証其傳者
之訛乎

六太陰病欲解時從亥至丑上原文



何氏集言
卷之六

四

（Faint vertical text columns, likely bleed-through from the reverse side of the page. The text is mostly illegible due to fading and ghosting.)

之八終



再重訂傷寒集註卷之九

進賢辭詔馳遠著

少陰經証治大意

喻嘉言曰傳經熱邪先傷經中之陰甚者邪未除而陰已竭獨是傳人少陰其清解之法反之十三急溫之法反十之七而宜溫之中復有次第不同毫釐千里粗工不解必干曾犯房勞之証始敢用溫及遇一切當溫之証反不能用詎知未病先勞其腎水者不可因是遂認為當溫也必其人腎中真陽素虧復因汙吐下擾之外出不能內反必藉溫藥以回其陽方可得生所以傷寒門中凡陽之証最多卽在太陽已有種上危候至傳少陰其辨証之際仲景多少遲回顧惜不得



北京中醫藥大學圖書館

1161

從正治之法清熱奪邪以存陰爲先務也今以溫經之法疏
爲前篇存陰之法疏爲後篇俾業醫者免臨岐之惑云
詔曰少陰前後二篇寒熱迥別治法亦大相懸殊推其源頭
標同而本不同也蓋腎中真陽素虧之人陰寒是其本也邪
入少陰則必挾水而動而爲前篇諸証宜亟溫之固不待言
其在太陽發表藥中早宜加附子以助陽禦陰庶無逼汗亡
陽之患也若腎中真陰素之之人陽亢是其本也邪入少陰
則必挾火而動而爲後篇諸証宜從養陰退陽固不待言其
在太陽發表藥中亦早宜重加阿膠地黃等藥以回護真陰
方可得汗否則陰精被劫汗亦無所釀矣

少陰前篇

凡外和挾水而動之說列于此篇
計二十七法

程郊倩曰少陰乃寒水之臟純是陰氣用事全賴本經對待之火化其凜冽以奉生身所嫌水火同宮制勝終在彼故回陽諸法常兼省脾崇上所以堤之以載之使坤厚而坎無盈虛幾陰陽相抱水火相濟其作根深寧極之罕也所以首忌在汙懼其亾陽究所由來少陰勝而趺陽負耳趺陽之負火失溫耳此溫之一法在少陰較太陰倍爲孔亟也是則少陰有火誠人身之至寶而不可須臾失焉

一

少陰之爲病脈微細但欲寐

也原文

喻嘉言曰衛氣行陽則寤行陰則寐邪入少陰則衛氣但行于陰而不行于陽故但欲寐也

詔曰外邪挾水而動陽熱變爲陰寒則陰勝故但欲寐外邪挾火而動其候俱從熱化則陽勝故煩燥不得臥嘉言以溫經之法疏爲前篇存陰之法疏爲後篇然則此條前篇之法也先生列于後篇適足以自亂其例耳詔不敢仍先生之舊乃將此條移置前篇第一以冠少陰之首于例則合于理有當矣

二 少陰病始得之反熱發而脈沉者法宜麻黃附子細辛湯主之原文

按陰陽兩感之証凡表重于裏者法當溫裏之中兼解其表若裏重于表者但當溫裏不可兼表此條但言反發熱三字卽以爲太陽之表否甚又安知其裏之不重耶蓋少陰本有

裏寒外熱之証乃真陽爲陰邪所逼越出軀壳法當卽回其陽且各經皆有發熱豈可不察而妄用麻黃耶又曰細辛走少陰之表少陰並無表証何其不通若此又有更不通者潔古之大羌活節菴之中和靈實飲胡亂暗表寒涼雜投俗醫目盲心瞽執此二方混施兩感百不救一可勝悼哉

麻黃附子細辛湯

麻黃二兩去節附子一枚炮去

皮細辛二兩

少陰病得之二三日口中和其背惡寒者當灸之附子湯主之原文

喻嘉言曰灸之以火助陽而消陰也主之以附子湯溫經而散寒也

附子湯

附子

二枚炮去

白木

四兩

茯苓

三兩

人參

三兩

白芍

三兩

按中寒門用附子破而回陽

取其飛騎突久豈可用芍藥凝

陰之物以羈絆附子雄入之

勢而致迂緩無功耶仲景原方

必無此藥

四

少陰病得之二三日麻黃附

子甘草湯微發汗以二三日無

裏証故微發汗也原文

按無裏証即不得謂之少陰

病外無太陽証不得妄用麻黃

且二三日否甚常有初得少

陰而即腹痛下利曷可云二三

日無裏証乎此後人之悞也

麻黃附子甘草湯

麻黃二兩去節附子一枚炮去皮甘草二兩炙

少陰病欲吐不吐心煩但欲寐五六日自利而渴者屬少陰也虛故引水自救若小便色白者少陰病形悉具小便白者以下焦虛有寒不能制水故令色白也原文

按陰邪上逆則欲吐真陽擾亂則心煩但欲寐者陰寒盛而陽不開也此時宜用附子湯加半夏若失此不圖延至五六日則下焦寒甚邪急奔而下利腎水欠溫不上潮而口渴非從溫經散邪引水終難自救也以小便色白而証少陰之寒更當以不喜冷飲而証虛寒之渴也經絡喉舌下二陰津液少陽則真陽受困津液不得上潮故口渴與三陽經之

和熱大相反也



再按少陰有寒利復有寒閉以腎氣爲寒所困關門則不開而二便俱閉更宜急溫酒客常有此症外見腹中急痛嘔吐痰水水漿不得入予常以四逆湯加丁香白蔻砂仁半夏厚朴莫人參白朮等藥頻上與服外熨炒糠其痛少緩俟嘔稍止用斬關丸三五錢以開其閉自愈設不知此悞投大黃等藥其閉愈甚則輕者重而重者死矣可不慎歟或問酒性固熱燒酒尤甚每傷于酒者反宜辛熱何也曰酒中有熱有濕均足爲患因其本氣而患之本氣虛寒者原不患熱惟患其濕其濕日積陽神日衰一日加水而動陰邪橫發閉痛嘔逆上下交劇法當急驅其陰以回其陽真陽素旺者不患其濕而患其熱熱遺後陰便血生時熱遺前陰莖生諸疳法宜分

解其熱而清其毒曾醫樊子敬天陰頭赤腫碎裂如絲其痛異常乃為素稟陽旺嗜飲燒酒乘醉入房求若所欲酒毒隨火下注于前陰也吾用葛花解酒毒大黃瀉熱梔子車前引導前陰五劑而愈

附斬關丸方自製

硫黃五兩研細末貫入猪大腸煮去腸滾水淘數次陽線北肉桂一兩白蔻川椒生

附子生白朮吳萸半夏雞內金各五錢

已上共為末飯碾成丸

附開閉丸方自製

巴豆霜為末神曲糊為丸外用製硫磺生附子半夏砂仁白

蔻等末為衣淡煎吳萸湯送下